


kat.komp.  
58804  
Mag. St. Dr. P

  
BIBLIOTHECA  
UNIVERSITATIS  
CRACOVENSIS







*Tealoy*




1902. IV. 19b.

2 Korny


7







184  
DOLOR  
SINE REMISSIONE  
DOLOR MARIANUS

IPSO DOLORUM FESTO,  
DOLOROSÆ AC PRODIGIOSÆ VIRGINIS,  
IN SACRO MONTE OBORIENSI,  
ORATORIIS AB EXEDRIS  
 DENUNTIATUS.

AC TANDEM:  
AD PERILLUSTREM MAGNIFICUM  
DOMINUM

D. VALENTINUM  
BEKIER  
GOCKOWSKI  
PRO GRATIA ET INDULGENTIA  
REMISSUS

PER  
P. CYPRIANUM A S. GERARDO,  
PROFESSOREM RHETORICES ORDINIS FRATRUM BMÆ DEI GENITRICIS ET VIRGINIS MARIE  
DE MONTE CARMELO PROVINCIÆ MAJORIS POLONIÆ SACRATISSIMI CORPORIS CHRISTI  
STRICTIORIS OBSERVANTIÆ. PERORANTE E SUGGESTU F. LEONE A  
S. ADALBERTO ORDINIS ET STUDII EJUSDEM RELIGIOSO.

A N N O  
QUO: SUIS DOLORIBUS, CONDOLENTE MARIA, MUNDO REMISSIONEM  
SALVATOR PROMERUIT

1755.

GEDANI, TYPIS HARTMANNIANIS.



IN  
GENTILITIUM PŁOMIENCZYK  
GOCKOWSCIANÆ DOMUS



*N*erunt cui serviant LEONES.    Martialis  
*Ut fulgeat Astris, hic LEO dignus.*    Idem l. 9.  
*Multa cum LUCE cucurrit.*    Virgilius. 2. Æneid.  
*... nullos terretur ad ictus,*  
*Nec Tela ulla timet, sed se convertit & ultro*  
*Quoscumque movet, trahit ARMA Virosque.*    Homerus.  
*Illi mos, Patriæ similes generare LEONES.*    Silv.    l. 16.





## DEDICATIO.



**D**OLOR SINE REMISSIONE *veniam a Tua  
exposcit Gratia.* Perillustris Magni-  
fice Domine, Mecænas Gratosissi-  
me, Benefactor Colendissime. *Pridem Gockow-*  
*scios Judices esse clementissimos agnovit orbis, etiam*  
*Dolor sine Remissione sperat sibi faventem Sententiam.*  
*Imò: Sole Justitiæ occidente, postquàm tenebræ factæ*  
*sunt, aliò divertere ignoravit, quàm ad Gockowscia-*  
*num Płomieńczyk.* Satis diu Electa ut Sol, sub  
Signo Crucis stabat, nunc in Signo Avari Leonis suam  
figit Stationem. Postquàm Leo de Tribu Juda oc-  
cubuit, Gockowscianum Leonem Maria eligit.  
*Quondam etenim Socii Dolorum Leones fuerant, hinc Ve-*  
strum



strum Leonem sibi associat Dolorosa. Utique & in  
Caelis, Virgini Leo proximus, etiam Virgo Virginum,  
a Gockowsciano Leone abesse noluit. Satis in la-  
chrimarum Oceano, Columna Ignis maduit, potissimus illi  
locus penes Avitum Płomieńczyk. Et certè: si  
nōrunt cui serviant Leones, & huic Mundi Do-  
minæ, Vester Płomieńczyk ut deserviat, dignum ac  
justum est. Olim Hortos Hesperidum Leones custodiērant,  
Avitus Leo Hortum Conclusum, expedit, ut custodiat.  
Tot sunt in Vestra Domo ad Coronam, quam habet iste  
Leo, Candidati, primò tamen Regina Regni Poloniæ  
Maria, eandem sibi vendicat. Nec spes sicca penes  
Gockowscianum Płomieńczyk: exsiccabit Ma-  
rianas lachrimas, & illustrem inter nubes Doloris accendet  
diem. Insuper: huic Reginae, Honor quidam est, cui Rex  
animalium Vester Leo deserviat. Vexerint quondam  
Adrianum Leones in Capitolium, Avitus Gockow-  
sciorum Płomieńczyk altiùs Honorem Marianum  
promovebit. Hinc quanta Gockowscianæ Domûs Di-  
gnitas attendendum, cui tantæ dignitatis Leo in Stemma  
conceditur! Si alius deesset splendor, ab Avito Pło-  
mieńczyk satis esset Clarissima. Quærant ignes alii ex-  
tra Domos proprias, Gockowsciis, splendor est semper  
Domesticus. Hic velut in Vestaliis ædibus, Custos ardet  
Płomieńczyk, quem accendit cum Honore Virtus, fovēt  
Merita, Dignitates. Nec tantum Soli Cockowsci-  
anæ Domui hic splendor proficiuus, etiam Polonia ab illo  
illustris est. Utiquè tot frigida Polonorum, ad Regnum de-  
fendendum inflammavit Corda, excitavit sepultum in Pecto-  
ribus Amorem Patriæ, tot ferventissima pro Bono Pu-  
blico



blico accendit desideria. Imò non semel Siculas Vesperas  
experiretur Polonia, nisi illi hic alluxisset Płomięn-  
czyk. Quot enim Hostes in favillam redacti, qui  
huic appropinquarunt Flammæ! Semper Gockowscia-  
nus Płomięczyk fatale Hostibus inter Martiales  
Cineres excitabat incendium, Patriæ Ignes Triumphales.  
Non Affrica ut video, sed Cælum, hujus Leonis est  
Patria, cui innatus tantus fervor. Alii Leones  
ignem timent, Avito Gockowsciorum Leoni Flamma  
familiaris est. Et clariùs Gentilitium splendorem  
non intueor, satis enim Gockowscianus, licet tantum  
ex ungue cognoscitur Leo. Quondam Phi-  
lippo Hispaniarum Regi, ejus Ovis Leonem pe-  
perit, Gockowscianus Płomięczyk Fortis pro-  
cedit ex Fortibus. Non enim ista Domus imbel-  
les generat, quilibet ad robur Patriæ, medullis Aviti  
Leonis cum Achille enutritus, tanquam Leo. Ha-  
buerit Antiquitas fortes in exuviis Leonis Hercules,  
penes Gockowscianum Płomięczyk plures nu-  
meramus Alcidas. Utiquè & efferatæ Gentes robur  
hujus Leonis hucusquè sentiunt: Quot non expertus  
hostis fulmina, dum in Polo Poloniæ iste exarsit Pło-  
mięczyk! Astricani tantum Leones ignem timeant,  
Vester, in mediam belli flammam, ocyor ruit fulmine.  
Vomat ignem Płomięczyk alius, Avitus Goc-  
kowsciorum Leo, omnem in pectore servat flam-  
mam, quam evomat in Hostem extinguendum. Quiesce  
itaquè secure Polonia! vigilabit Gockowscianus  
Płomięczyk, dum alius: oculis Leo dormit  
apertis



apertis. *Liceat hujus Plomieńczyk excitare & Cineres, & Clarissimi resurgent Viri. Prius tamen magna Bekierorum adoret Nomina, quisquis Gockowsciana Numina voluerit venerari. Aliter enim Gockowscios nemo colet, nisi Bekieros Antecessores adoraverit. Quanta hujus Domus Magnitudo! non una hic Domestica Dignitas, ubi non unum Cognomen. Fidem hujus ex Perillustri Thoma Bekier Gockowski, si quis non credit, colligat. Quondam hic Thomas palparit Svecorum Corda, utpote jucundus Terrigena, post in Poloniam veniens, totus in corda Polonorum introiit. Devicit singulorum animos, cum Cruciferis veniendo, in uno Ordine Theutonico, omnium Ordinum affectus, in se vidit Ordinatos. Merita tanti Viri calamò non pondero, pridem enim in Cruciferorum statera sunt approbata. Viderunt collecta hoc in Thoma Theutonici, quæ alios, divisa, Meritissimos efficiunt; viderunt virtutes & rectefacta, quæ dum eloqui difficile fuerat, cognomen Gockowski pro Elogiis, & Bona Gockowy in recognitionem obtulerunt. Age Gratias Regno Sveciæ pro tanto Filio Nostra Mater Polonia, tot jam Fidissimos Patriæ numerasti Gockowscios, quorum hic Thomas primus fuit Antenatus. Tanti Antecessoris Successorem Justum Bekier Gockowski ut adoret Oratio, dignum ac justum est. Pridem in Templo Honorum hic Justus ad adorandum est expositus, imò: Publica Fama eundem hucusquè beatificat. Quod enim*



enim omen figuravit *Nomen*, hoc *Virtutes & Me-  
rita* comprobârunt. Utinam tales *Justos* plures ha-  
beret *Polonia*! brevi *Beata* diceretur. Tandem gal-  
lus *Petri Bekier Gockowski Tritavi Tui Per-  
illustris Domine*, inter noctes *Atticas* *Oratorem*  
excitat ad *elogia*; verum hujus *Petri* obligatus cate-  
nâs *Solutus* *Orator*, plura sub ejus servabit *clavibus*,  
quàm aperiet. Non enim sufficiens, humilis *Eliana*  
*Rhetorica*, quæ istam attollat *Petram*, quam *Gravis*  
in *Regno Poloniae* *Authoritas*, & ponderosa aggra-  
vant redefacta. Illa inquam *Petra* hic *Petrus*  
est: ad quam hostiles corrumpuntur *hastæ*, & in qua  
*Patriæ* exaravit *Amor*: *Murus Achæneus* esto.  
Olim *Christus* super *Petram* ædificavit *Ecclesiam*,  
etiam, *Polonæ Reipublicæ Felicitas*, hoc in *Pe-  
tro* fundabatur. Longius hæc *Petra* haberet  
*Elogium*, nisi *Quintus Præcursor Tuus* seu  
*Atavus*, *Joannes Bekier Gockowski*, venisset  
in paginam. Verum penes *Vocem Clamantis* te-  
nuis obmutescit dictio; nemo quippe *Major*  
surrexit *Joanne*, etiam hic *Joannes* crevit adeò,  
ut illum metiri *calamus* non præsumat. *Gratias* ta-  
men agere *Cockowscianæ Domui* tenetur *Polonia*,  
cui talem præstitit *Gratiam*. Quid de *Abavo*  
*Petro Bekier Gockowski* dicendum? Quam præ-  
tiosa in *Corona Poloniae* *Petra* ista! hostibus *Lapis*  
*offensionis* fuerat, *Patriæ*, omni meliore *lapillô*, di-  
stinxit dies. Habet *Claves Regni Cætorum*, *San-  
ctus Indiges*, hic *Petrus* *Polos Poloniae* custodiêrat.  
Hinc



*Hinc agnoscat Orbis quàm fundata Gockowsciorum  
Domus, quæ tales habet Petras. Insuper: Ap-  
paritio Michaelis Bekier Gockowski Proavi Tui  
sit in pagina. Pridem Michaeli debita Dedicatio,  
etiam in Dedicatione ista, debita illi adoratio. Verùm  
Archangelus foret, qui per Figuras Oratorias istum ma-  
nifestaret Michàelem. Ipsum Nomen, Principis  
Cælestis Militiæ, Orator timet, & victus cedit dum  
cadit in Spolium. Quamquam & de Polono Horizonte  
non unus Draco cecidit, contra quem Avito Leo-  
ne iste pugnavit Miahael. Verè fulmina contra  
Hostes in ejus fuere manibus, & Umbo, ad Patriam  
protegendam. In Judiciis etiam Perillustris Ma-  
gnifici Domini Christophori Bekier Gockow-  
ski Judicis Castrensis Naklensis Avi Tui com-  
parere necessum est; ubi vix causam dicendi induco,  
multarum laudum me Reum agnosco. Si Acta  
Naklensia consulo? multa in illis, Acta præclara  
illius invenio. Notârunt quippe sententias hujus  
Judicis Areopagi, imò hucusquè loquuntur ejus cu-  
riam, in administranda Justitia Curiae, novum in  
Consiliis Catonem, in Decretis ferendis Lycurgum,  
mirantur & esse judicant cum Judicibus Assessores,  
cum Assessoribus Universi. Plura Acta dum non  
capit Panegyris, Annales ad captum singulorum expo-  
nant. Electionem adhuc Joannis Casimiri Regis  
numerus oratorius deducit in Periodum, cui Idem Per-  
illustris ac Magnus Christophorus Bekier  
Gockowski, inter conscriptos Patres, Selectissimum  
cum*



cum Palatinatu Marieburgensi adscripsit votum. A Perillustri Avo Judice, ad Judicidam Naklensem Perillustrem Antonium Bekier Gockowski Genitorem Tuum appellat dictio; cujus non quaero laudes, cum penes Antonium sit in promptu Inventio ad elogia. Sed quid Natalium Tuorum evolvo cineres? In Te uno ut in speculo Mecænas Colendissime videt Polonus Orbis, quidquid in Antecessoribus mirabatur. Agnoscunt jam singuli, quales Prædecessores Tui fuerant, qui talem reliquerunt Successorem. Optimos Optimates fuisse Gockowscios, publica declarat Fama, nunc in æstimatione hominum, non minus valet Valentinus Bekier Gockowski, quem Optimis Similem aut Meliorem, esse probant. Nimirum: viget in Te quæ in Numa Religio, fervet qui in Scevola Amor Patriæ, floret quæ in Catone prudentia, excellit profunda cum magnanimitate Animi humilitas, apparet cum benignitate Justitia, videtur non deficiens Liberalitas. Te Sanctorem Basilicæ Mecænatem, Monasteria Benefactorem, Miseri Patrem egenorum agnoscunt; si virtus pingeretur, Valentinus Bekier Gockowski exemplar foret. Et hæc est Domûs Gockowscianæ prima Linea: quid si tota series esset differenda? Honor quidem foret Calami & dignitas Paginæ, plures recensere Gockowscios, verum fatiscit Penna aliquos efferendo, plures, plus cadendo adoraret, quam scribendo. Languet, dum Fortissimum in Casibus Patriæ Andream attendit dictio, Crux Magna Oratori, laudes hujus

\* \* \*

Andrææ



Andreae vel tetigisse. Quos sibi non vendicat Oratorios splendores Jacobus tonitruum Filius? Pariunt inter hæc tonitrua gemmeas Periodos Oratoria flumina, sed inter tantos Rumores Panegyris non auditur. Si Pericles Orator foret, primò quid Consonum, in laudem hujus Jacobi detonaret. Cum Mavorte Polono Georgio, calamò certare, plusquam ausus est, inter Vidtrices ejus laureas, flores Oratorii non apparent. Sterilem illum Annales loquuntur, in laudibus tamen Fecundissimus. Penes Regale Ludovici Nomen expallescit dictio; Adoret suos Ludovicos Gallia, Ludovicum Bekier Gockowski adorat Polonia. Quippè: Regium illi nomen, simul quæ & Reges decent actiones. Verè: satis ad laudem dicere, fuisse Ludovicum. Quam non merentur Panegyrim. Perillustres Magnifici Domini: Christianus Ludovicus & Ernestus Ludovicus Bekier Gockowscii, Sacrae Regiæ Majestatis Borussorum Secretarii Tui Patruum? Bini uterque Nominis, sed innumerabilium meritorum. Illorum tamen laudes conticescit dictio, quibus plenæ sunt exteræ Nationes, plenum, ubi extant, Berolinium. Si Perillustrem Joannem Bekier Gockowski commemoro? etiam hic Joannes suos Panegyristas sibi vendicat, qui in Comitibus, disertum quoque egerat pro Patria Oratorem. Verùm ejus Votis obligatus, tacere potius quam loqui cogor; laudes tamen hujus Joannis ad memoriam sæculorum perveniant, qui etiam Terrarum Prusiae, Districtus Czluchoviensis Anno 1736.

Lega-



Legatum egerat. *Hic & Remos Adalberti de Łekno Zieleniewo Łakinski Fratris tui Uterini Perillustri Domine misissem in fontes Oratorios, nisi jam ad marginem tenderet Dedicatio. Ergo jam lassata tantorum Nominum pondere, pluribus cadit in adorationem Oratio, & quorum laudes enarrare non sufficit, saltem mirabitur Eloquentia. Non temporum etenim, sed æternitatis Labor est, Gockowscianam seriem ad Periodum revocare. Interea à Gockowsciana Domo, ad millenas prope Tuo nomini Mecænas Colendissime Colligatas Domos invitatur Oratio; & cæcus Orator esset, si tanta in Polono Horizonte sidera, penes Avitum Płomieńczyk non videret. En augent Oratorios Splendores Illustrissimi, suisquæ titulis Viri Ornatisimi: DZIERZANOWSCII, STOLINSCHII, CHRZĄSTOWSCII, GRABOWSCII, KRZESINSCHII, WAŁDOWSCII, RAROSZKOWSCII, KOMIEROWSCII, KACZKOWSCII, MROWINSCHII, TRZEBNICCHII, WOLSCII, KOLCZYNSCHII, WEDELSZTEDII, LEMCZYNII, DORĘGOWSCII, NOWODWORSCHII, KIEŁPINSCHII, SLESINSCHII, MELINOWII, LODENII, WIĘCKOWSCII, HARCEMBERSCHII, CZARLINSCHII, ŻŁOTNICCHII, LUTOMSCHII, MARNIFESTII, MICHROWSCHII, aliique sexcenti, quorum Elogia nec tangere audet Calamus, cum Mentes excedant Oratorum & ingenia. Si Cælum Pagina, Oceanus esset sepia, nondum tantis Nominibus describendis sufficerent. In tanta itaque Assistenza & Dolor sine Remissione veniam à Tua exposcit Gratia Perillustri Domine.*

*Acclinat*



Acclinas benignam aurem aliorum Miseriis, & Ge-  
mitus Marianos exaudi. Tot Afflicti, tuâ Gratiâ  
sunt Consolati, dignare & Dolorosam Consolari.  
Non enim extinguunt Avitum Plomeinczyk Ma-  
rianæ lachrimæ, imò inter istas mæroris Umbras, appare-  
bit Splendidior. Satis quidem Illustris in Polo Poloniæ  
Gentilitius Leo, clariùs tamen Gockowscianæ Do-  
mui allucebit, postquàm hoc Signum Electa ut Sol  
ingressa fuerit: videbit Orbis & mirabitur, quomodò  
penes septem Dolores valebit Valentinus. Ete-  
nim: Marianæ Angustiae Vitæ Tibi protendent Sta-  
mina, Honorem & Fortunam obligabunt. Ita pro-  
ponit Dolor sine Remissione, ita precatur Oratio,

Ita vovent  
Devotissimi Tuo Nomini  
OBORIENSES CARMELITÆ.





## ORATIO.



Quando tandem Marianus absolvetur Dolor! Tot Pœnitentes in Festo Dolorum absolvi vidi, sola Innocentissimâ Virgo, semper relinquitur Dolorosa. Unus inquam solet remitti Dolor, hîc septem Mariani Dolores non remittuntur. Bulla Cruciatâ Maria est, Indulgentiam tamen nisi fortè in Doloribus non video. Septem etiam Dolores septem quædam sunt Sacramenta, sine Satisfactione tamen est Pœnitentia. Examine Theologi utrùm perfectâ hæc Contritio. Utiquè ex toto Corde Maria dolet, dum usquè septem gladiis transfixum est. Supernaturalis etiam Dolor iste, cùm naturam omnesquè vires superat. Est quoquè Contritio ex amore DEI, utpote amore Christi. Nec defunt fletus & suspiria: en ab ore singultus, ab oculis pendent lachrimæ. Insuper: quotannis Quadragesima Dolorem istum Sanctum indicat; sexta etiam Feria, in meditatione Passionis Dominicæ, licèt post Dominicam Passionis, devotum probat. Ergonè tam perfectâ Contritio remissionem non meretur? Ergonè tam Sancta Virgo, sine absolute adhuc relinquitur Dolorosa? At scrupu-



lum habeo, & aliter mihi dictat conscientia: Reservatus ad absolvendum est Dolor iste, postquam Sacerdos secundum Ordinem Melchisedech expiravit. In Crucis Tribunali suspensa, Christo pendente, hæc Contritio, jam nec sacra Pœnitentiaria, nec Sancta Sedes dispensabit. Nimirum: adeò grave peccatum est illud Christicidium, ut pro illo satis dolere non possit Dolorosa. Multùm peccavit humana malitia, hinc tam diu Dolor Marianus confitetur. Infinitè pro mundi peccato Dolor Filii satisfecit, etiam Dolor Matris non remissus, eidem correspondet. Jam Mons Oborientsis est quædam Calvaria, & quæ: *Stabat juxta Crucem FESV Mater ejus*, illa hucusque & in hoc templo Statua Doloris permanet. Utinam non esses Justus Mariane Dolor! faciliùs remissionem meruisses. Invideo vobis hanc gratiam cæteri Pœnitentes; vobis sufficit ad reconciliandum signum Doloris dare, Virgini Dolorosæ, & septem Dolores non sufficiunt. Quid ergo proderit tanto Dolori hodierna Oratio? alii dum inter Dolores Orationes absolvunt satisfaciunt, non Orator Marianus. Utiquè tot Orationes absolvit Eliana Rhetorica, non tamen pro Dolorosa satisfecit. Tamen non est desistendum à Proposito, quando nec Maria desistit à Dolor. Absolvatur oratio, quamvis Contritio Mariana non absolvitur: Audiatur Facundia, quando non exaudiuntur Gemitus Dolorosæ. Verùm inter Dolores jam me defecisse video! Magnus quippe defectus est, inter Dolores facundum esse. Nimis laxæ conscientiæ signum, inter lachrimas perorare sine scrupulo.



Verè censurâ & pœnitentiâ dignum opus, ibi  
Solutum agere Oratorem, ubi sine remissione  
Dolor ligatus manet. Potius orare quàm pero-  
rare in Festo Dolorum expedit! potior gemitus  
quàm Facundia, ubi suspirat & Maria. Ergò  
valete applausus Oratorii! gratior mihi plausus,  
quem facit, manus præ Dolo complo dendo  
Maria. Valete affectus alii! primus mihi inter  
undecim, affectus Doloris Mariani: Gestus alios  
non curabo, sufficit pectus tundere præ Dolo.  
Pro Actu Scholastico, Actum Doloris Mariani  
eligo. Sit aliàs munus Oratoris delectari, mihi  
hodie Contritio Mariana in votis est. Imò: tanto  
Dolori meam Propositionem adjungo an Pro-  
positum, & Dolorem Marianum: DOLOREM  
SINE REMISSIONE confiteor. Estote Doloroso  
Oratori propitii Auditores Dignissimi; dabit  
veniam si in quo deliquerit, utiquè & Dolor  
Marianus est cum excessu.

Remissionem cum Dolo conjungi, non  
tantum Oratorum, sed & Theologorum sensus  
est. Multos quidem habet gradus Contritio, in  
unoquoquè tamen, potest Indulgentia impetrari.  
Non ita venas cordis magnus intendit Dolor, quin  
aliquando remittat. In causa Doloris non sem-  
per Judicium, etiam Remissa datur. Non in-  
quam Via crucis est sine meta, tandem aliquan-  
do Statio permittitur. In lachrimarum Oceano  
non semper navigandum, & hìc datur non plus  
ultra. Non semper pane Doloris uti solitum, sa-  
les interdum adhibentur. Post amaros disgustus  
gustantur & svavia: post illos flebiles singultus,  
tandem



tandem jucunda modulantur Cantica: post angustas angustias, libera sine scrupulo & læta evadit Conscientia. Nimirum: meretur dulcia, qui gustavit amara. Justum ut gaudeat cum Democrito, qui flevit cum Heraclio. Sic: non semper in mundo tenebræ, nocti diem videmus succedere. Post densa nubila, tandem hilaris Sol oritur. Non semper & fulmina vibrat Jupiter, etiam tranquilla serenitas apparet post tonitrua. Sic: demersis in mari tempestatibus, bona emergit malacia. Post iratæ hyemis rigores, tandem amica ridet æstas. Utiquè & Alpes maceravit Annibal; sic & Montes Dolorum superantur. Meretur inquam remissionem magnus Dolor; non enim ad mortem est Contritio, sed potius ad vitam & salutem. Verùm his Doloribus impar quia septenarius Dolor Marianus! Tot fundit lachrimas, quælibet tamen sine fructu remissionis arefcit: tot eructat suspiria, & ullum non habet respirium: tot edit gemitus, non tamen exauditur. Solæ ut video Dolorum Spinæ in Horto Concluso locum habent, nulla Consolatio. In Acie castrorum Ordinata, sine ordine & sine fine certat Dolor. Crescit semper in Doloribus Pulchra Luna, Decrescens non apparet. Electa ut Sol, semel inter nubes mæroris exorta, nunquam videtur ferenior. In Mari Gratiarum nulla est tranquillitas, undiquè emergunt tempestates, in quibus plùs ultra navigandum. Hucusquè solus mihi videbatur volvi continuo in rota Ixion, sed & Cælum Animatum Maria, in motu Doloris assidua. Cedat hìc semper cadendo sub saxo Zysiphus, etiam continua jam video  
cordis



cordis Mariani oppressio. Verè DOLOR SINE  
REMISSIONE Dolor Marianus, alia ad vitam, sola  
Contritio Mariana est usquè ad mortem. Inte-  
rim ut absolvatur Oratio, serius inter sensus Do-  
loris Mariani examen facio.

Ut quævis Contritio ex Dono provenit,  
sic & Doloris Mariani, Gratia Incarnationis est  
Principium. Licèt sine originali concepta Vir-  
go, tamen circa Adæ peccatum Dolores elicuit.  
Nempe: Concipit æterni Patris Filium Virgo  
Mater, & plusquàm millenos simul concipit &  
Dolores: In ipso Conceptu doluit ut parturiens.  
Inter materna viscera immensum coangustavit  
Deum, simul tamen amplissimè constricta est  
angustiis Unicum tantum suscepit Verbum, &  
innumeros formavit singultus. Fons vitæ, hoc  
intravit Mare, & ecce lachrymarum Diluvium.  
Plenam Gratiâ dixit Angelus, Spiritus etiam  
Sanctus eidem obumbravit, Dolor tamen non  
remittitur. Jam tunc tristis hucusquè exultavit  
Orbis, Maria tristari cæpit. Desiit populus  
cantare Rorate, Virgo Divinissima tristes modu-  
labatur threnos. Postquàm nubes pluerant Sal-  
vatorem, Maria lachrimas cæpit fundere. Ni-  
mirum: tanta Dei Gratia, dispositio fuit Doloris  
Mariani. Rea Innocentia pro homine obnoxio sa-  
tisfaciens, ad Contritionem stimulabat. Magnus  
fuit Doloris Mariani sensus, dum Impassibilis pati  
cæpit & sentire. Verùm quia internus Dolor iste,  
hinc ad remissionem, nisi manifestaretur, non  
fuit sufficiens. Ergo publicè precatur veniam,  
Josephus intercedit, uno Verbô pariendô se  
B excusat.



excusat. Estote isti Dolori propitii Principes sacerdotum! permittite Virgini Dolorosæ, ut quod sentit onus, in vestris deponat Domibus. Invenit Dolor iste Gratiam apud Deum, inveniat & apud homines. Nemo ex hac Contritione pœnam timeat, imò speret Divina solatia. Vos quoquè Portæ aperimi! Portâ Cæli pariente. Referentur etiam occlusæ Domus, ubi adest Clavis David. Peccastis multoties immunda Palatia, nunc pro Pœnitentia, Dolorem Marianum cum Redemptore suscipite. Sed frustra verbis pulso, ubi pulsanti Virgini non aperitur. Jam & in pedibus aures quærit singultus Marianus, non tamen exauditur. Plusquàm lapideæ obturantur pectora, quæ nec lachrimæ Marianæ emolliunt. Moventur januæ, ad misericordiam tamen nemo commovetur. Quilibet Dolorem Marianum absolvit illicitè, ulteriùs remittendo: ubiquè Excommunicatio auditur, Communio cum hominibus negatur & Hospitium: tota deniquè Urbs inurbana, erga Mariam veluti Interdicta. Eja tibi Mariane Dolor! Sperasti veniam apud Homines, & ecce desperare necesse. En partus instat, & ubiquè Domus occluduntur. Jam & Orbis Redemptor non acceptatur, Plena Gratiâ jam contemnitur, quilibet clausis foribus manet homo obstinatus. Vos saltem Auditores Mæstissimi ad Corda Vestra Dolorem Marianum suscipite, donec alibi indulgentiam impetraverit.

Interim extra Urbem excessit Dolorosa; adit speluncam Bethleemiticam, ubi tanquam in Eremitio citius indulgentiam mereatur.

At



At ecce! sentiunt Dolorem Marianum sensitiva  
animalia Bos & Asinus, quem rationalis homo  
nec sensit nec intellexit. Jam stabula Bonum  
Pastorem suscipiunt, quem sprexit homo Ovis  
perdita. En rupes Bethleemitica illi volvitur in  
cunabula, cui lapideæ & corda, plusquàm saxa  
fuerant obstinata. Jam Præsepe Frumentum  
Electorum suscipit, quod periens præ fame  
mundus sprexit. Quid hîc ages Mariane Dolor!  
ergonè sensum tuum cum Verbo, coram mutis  
animalibus explicabis? Hoccinè tanti Hospitis  
Palatium & peristromata, stabulum & araneorum  
telæ? Hiccinè Solis Justitiæ splendor, solares  
inquam radii undiquè pertingentes? Hæccinè  
Regis Regum Majestas, quòd Bos & Asinus ve-  
nerando in terram cadant? Sed & tanta humi-  
litas fuit Dolorosæ & Orbis Redemptori conve-  
niens: non enim attendit apparentiam Pœni-  
tentia, imò: multa facit, qui debet & cogitur.  
Hîc itaquè Deò Virgo gravida, suum deponit  
onus, hic exonerat Conscientiam, an potius ma-  
terna viscera Marianus Dolor. Vidisses Cæle-  
stem illum Pusionem! colludebant gratiæ In-  
fanti Divinissimo; verecundia adornavit fron-  
tem, composuit ocellos modestia, labella Inno-  
centia tinxit coccò, Charites pudoris delicias  
propinârunt. Vidisses! Immensum in angusto  
reponi præsepio: Omnipotentem fasciis ligari:  
vidisses Florem Nazarænum in fæno collocari.  
Jam ergo Consolare Mariane Dolor! en tibi  
natus Salvator arridet, jam propitius. Mugiant  
muta animalia, tui Gemitus jam desinant.  
Utiquè & flumina jam congelavit December,  
obstru-



obstruantur & fontes lachrimarum. Jam inquam lætos sine nube Doloris vive dies, dum Oriens ex Alto exortus est. En cælestes exultant Angeli, dum Lætitiâ Angelorum in terris conspiciunt: congaudent & Pastores, dum Agnum Dei inveniunt; lætetur & Virgo Mater Dolorosa! Insuper: Stella lingua Cæli vocat Magos in applausus: quod offerunt aurum filet, fileant & Mariana suspiria, myrrha cum thure oblati, tandem Justus Dolor absolvatur! Verum & hîc adhuc Contritio Mariana perficitur: Ipsa intensa frigora, Dolorem sine mensura intendunt non remittunt. Rupes Bethleemitica, ad mærorem Mariam conterit, paleæ ad compunctionem movent, præsepe Pane Doloris tractat, fasciæ adaugent angustias, vagitus Infantis Dei, Gemitus Marianos provocant, lachrimæ Christi, fletus Virgineos exoptulant, deniquè tanquam sine ratione in stabulo penes Bovem & Asinum grassatur Dolor. Jam & Angelici concentus ad lætitiâ non excitant, ubi Mundus sic ludit in Verbo. Conturbat non solatur Pastorum turba, dum Agnus Dei pro Ariete, offertur in victimam. Expallescit præ mærore ad regales Purpuras Virgo Divinissima, dum simili, Rex Regum caret. Oblatum aurum magis adhuc cor maternum onerat, quando Dominus Dominantium sic est pauper. Myrrha cum thure, lachrimas fumando extorquent, quando Deus genitus, non colitur, profanatur.

Tantisper impleti sunt purgationis dies,  
& in templo Dolor Marianus præsentatur. Jam  
illa



illa mundatur Virgo, quæ post partum Inviolata permanfit. Implet legem Moyfis, quæ Novæ Legis Authorem genuit. Offert pro eo par turturum, qui invictimam pro mundi peccato: oblatus eft quia ipfe voluit. Ergo parce huic Dolori juſte Simeon! Sancta quippe Mater, in qua nec macula originalis, nec cortex actualis culpæ unquam fuit. En gemunt turtures, non jam ingemifcat Maria. Et crederem: tunc alleviari Dolorem Marianum, cùm è Virgineis manibus Chriſtum in ſuas ulnas ſuſcepit Simeon: Sperarem & Mariam conſolari, quando quam expectabat Conſolationem, expertus eſt Senecio. At ecce! ubi præ gaudio diſſolvi cupit Simeon, ibi Dolores Mariam apprehendunt. Qui ſibi jucundè decantat, Nunc dimittis, idem Virgini Diviniſſimæ, triſte canit Vaticinium. Explicat Caſum horrendiſſimum Dolori Mariano plenus Spiritu Sacerdos, dum in ruinam & reſurrectionem Chriſtum poſitum eſſe nuntiat. Pro Abſolutione admonitionem incipit & ad compunctionem ſtimulat, dum gladium Doloris, qui ipſius pertransibit animam, ominatur. Ita: non ſemper læta nuntiat, qui ſolus lætatur. Etiam Serenô Cælô, audiuntur aliquando tonitrua: ſic & dum ludit mare, minatur naufragium. Hic ſenſibûs deſtitui viſa fuit Virgo Diviniſſima! pallebat penes niveam Senis canitiem, nec verbum audire erat, exquò omnia Simeonis in corde ſervabat, & Abbreviatum, in alienis vidit manibus. Verè Statuam Doloris hoc in templo pro tunc diceres, non Mariam. Jam quippe vidit ut in ſpeculo eventus futuri temporis; vidit



funes & flagella; pensate quantus Dolor! vidit Spinas, Cruces, & opprobria; attendite quantus mæror! deniquè Vaticinante Spiritu, jam sensit Vitæ mortem; concludite quæ tristitia! Tamen & tantus DOLOR, SINE REMISSIONE de templo recessit, post Purificationem non est emendatus.

Crescunt quippe in dies crimina, hinc & Maria plus semper dolet. En iterum Herodis Corona in vitiosum abit circulum, & in purpura, dignum verecundiâ scelus latet. Nempe: Ne Regnum amittat, Regem Cæli & terræ conatur de terra tollere. Jam vocatur ad arma miles, ubiquè edictum Cæsaris resonat: ut inter homines quæraturo Homo Deus, ne inter Liberos liber evadat, ut cum Innocentibus simul sit morti obnoxius. Quid hîc tibi sperandum Mariane Dolor! cum & pro Innocentibus pæna tam severa statuitur. Frustra speratur Remissio, ex tam nefando Herodis Proposito. Vos saltem Auditores Mæstissimi, ubi absconditus in carne Deus lateat, locum quærite; jam enim Maria deficit. Pallet Luna Pulchra, dum Soli Justitiæ in ipso Ortu, Occasum imminere recogitat. Stat velut exanimis in deliquio, animam simul cum Verbo tenet in manibus, dum Mortem Filii à tergo videt. Quid putat Pater Putatitius? Decrescere præ angoribus videtur Accrescens, cum & natus Parvulus dato capite debet minui. Sed siste gradum & Propositum Herodes impie! Non enim & Regibus semper evenit, quod intendunt.

Con-



Conceptus & Nativitas æternæ Sapientiæ, est  
supra Regum capita. Cui assurgis, coram illo  
Principatus cadunt & Potestates. Natus Parvu-  
lus, etiam Augustos non timet: Pusio iste & Gi-  
gantes humiliat. Verùm furdo narratur fabula,  
& malum putat optimum, propter regale ma-  
lum. Sic: non rarò plus honor æstimatur quàm  
Deus! Itaque erumpit in plateas furibundus  
Miles, ut Viam Cæli inveniat: Lustrat Soly-  
mæas Domos, ut Thesaurum pro Orbe redi-  
mendo fodiat & effodiat, fundit Sanguinem ex  
Infantibus, ut simul Rege Judæorum extincto,  
sic tincta, diu rubeat Herodis purpura. Audisses  
tunc, illos balare Agnellos cum suis Ovibus!  
vidisses, gladio occisoris arridere Infantem! vi-  
disses, ut absconditus seipsum, mortis ignarus, pro-  
debat Puerulus! vidisses, Cælum & terram plena  
esse suspiriis, solum cachinnari Cæsarem & ri-  
dere! O scelus! indignum Augusto, infimo  
indignum Homine. Plusquàm nefas est, velle  
stare per multorum ruinam, velle vivere per  
mortem aliorum. Sed plùs potuère astra quàm  
Serenissimus. Adfuit in somno (si tunc somnus  
locum habuit) verus extra somnium Josepho  
Angelus, & salutem Messiae in pedibus & in  
Ægypto svasit quærere. Sicquè tot cæsis In-  
nocentibus, Innocens evasit Christus, in tam in-  
fami conflictu Dux Exercituum fugâ triumphavit.  
En tibi victoria Tyranne scelestissime!  
tam copiosum fudisti sanguinem, & nullum  
fructum colligis; tot capita pro fundamento  
Imperii decollasti, & ecce debile. Imò stylum  
ferreum, & ista in corporibus incisa lego aliter:  
mories



morieris & tu & non vives, qui Vitam mundi  
mori voluisti: tot cæsîs Innocentibûs nec solus  
eris Innocens, ad istum sanguinem brevî erubef-  
ces. Nec sum falsus Vates: Jam ille Serenissimus  
ad fatalem declinat occasum, jam regale pomum  
& purpuram, mortalis rodit vermis, Imperia-  
lem Coronam vitæ terminat periodus, jam in  
Sepulchro jacet, qui ruinîs aliorum assurgere  
voluit, jam Sepulchrali premitur lapide, qui  
multos oppresserat. Adeo fatale est, quid con-  
tra Deum moliri! Hic singultus versi sunt in  
tripudia; deterfit populus effusas lachrimas,  
ubi somnô mortis clausit Tyrannus oculos.  
Non enim erat, qui defuncto Requiem dacan-  
tasset, cujus Fatum, Fortuna fuit Imperii &  
applausus. Insuper Dolor Marianus solari cæ-  
pit, postquâj justam sceleri pænam absolvit  
Tyrannus. Redeunt enim de Cælo moniti  
Sancti Exules, & demersîs in Nilo lachrimîs,  
ferenos vident dies. Crevit tunc Infans Deus,  
& Dolor decrescere videbatur. Jam duode-  
cimum numeravit annum, Dolorum etiam sum-  
ma, tot jam lachrimîs liquidari intellexit.

Verûm Recidivus esse solet magnus Do-  
lor, parumper emendari videtur, & iterum ad  
flebilem statum redeundo insolescit. Rara si-  
quidem gaudia, quæ diu & ad finem perseve-  
rent. Sæpe: risus Doloze miscetur, & extre-  
ma gaudii luctus occupat. En iterum post illa  
respiria, suspiria audiuntur: iterum Actus Do-  
loris in Templo Salomonis incipiunt. Nempe:  
qui venit non legem solvere sed adimplere;  
idem



Idem secundum consuetudinem diei, adit Sancta Sanctorum cum Parentibus. Vidisses in illo templo flexis genibus humiliari Altissimum! vidisses, illum, gloriam Deo exhibere in tempore, cui, Soli Deo, laus, honor, & gloria in Sæcula. Crederem illo Festo & Dolorem Marianum emendari, quando sic fuit devotus & Sanctissimus. Imò eundem remitti credidissem, quando Summus Sacerdos, illud Festum celebravit. At ecce! vix de templo egredi contigit, mox defectus, Jesu deficiente, committitur. Illa Devotio, in perditionem fuit Mariæ & Josepho, dum Deus redeundo est perditus. Putavit quippe Pater Putatitius, illum, qui plusquam Salomon, penes Sedem Sapientiæ, in itinere commorari, credidit & pia Mater, Minorem Filium Accrescenti adhærere. Sic de illa Corona, periit Unio Hypostatica, sic de illa Trinitate, amissa Divina Personalitas, sic perditus, qui venit *quæreré & Salvum facere quod perierat*. O quam Solenne Festum Dolorum post illa occurrit Solennia! Iterum quærendo instituitur per plateas Processio, sed in Viam Crucis abit, quia Via deest. Fiunt Supplicationes, & Verbum non respondet: quælibet Domus fit Oatorium, nullibi tamen Festum Inventionis celebratur. Jam apud Notos latens non agnoscitur, à propinquis à longè abest, quilibet nec se vidisse, illum qui totus est Oculus confitetur. Jam prima ad occasum declinat dies, & Sol Justitiæ non exoritur. Transit & secunda, infelix tamen, quia Bonum infinitum, Pretium Orbis redimendi non invenitur. Jam & tertia

D

incipit,



incipit, & Trinitas illa non completur. Fluunt  
horæ plumbô graviôres, momentum ætate vide-  
tur longius, una dies tanquam æternitas judicatur.  
Adeo Dolorosum est Amanti, Deum vel ad  
breve tempus perdidisse! Vos saltem hanc  
Quæstionem Auditores resolvite, jam enim  
Dolor Marianus desperat. Languet Rosa Mi-  
stica, sine Flore Nazaræno. Ruit Domus Au-  
rea, quia Lapis Angularis deest. Jam Navis  
Institoris in lachrimis planè mergitur, dum  
Fons Vitæ extra Domesticos Margines est dif-  
fusus. Interea extra Domos Civitatis, in Domo  
Dei Deum reperiri video. Sedet in medio  
Doctorem æternæ Veritatis Magister, differit  
inter illos Senecas, Juvenis in corpore, sed  
ante sæcula genita Sapientia, enucleat Scripturæ  
mysteria Rex Prophetarum, explanat Legem  
Moyfis, Novæ Legis Institutor, docet inter li-  
bros Doctores, Orbis Professor sine libro pe-  
ritissimus. Et tacent hōc Verbō loquente Le-  
gum periti Senes, mirantur tam senem in par-  
vulo prudentiam, interrogati non respondent,  
quia nequeunt. Hic tandem & Maria Casum  
in Verbo Reservatum agnoscit, defectum an  
factum explicat: *Fili quid fecisti;* proponit Quæ-  
stionem: *Dolentes quærebarus.* Tamen & inter  
Doctores hæc Doloris Quæstio non concludi-  
tur, Liber Vitæ tantum recipitur, ut in illo  
sit magis devotus Dolor.

Nunc tandem in Passione Filii, quàm  
vehemens Doloris Mariani passio attendendum.  
In Mari rubro, magna velut mare, Contritio  
Mariæ



Mariæ apparebit. Prima tamen Mortificatio post Ultimam Cænam hîc contigit: collatô Discipulis ordine, Dolor Marianus non absolutus jam relinquitur. Nempe: cruentam pro hominibus impleturus pænitentiam Filius, jam Matri ultimum dicit vale. O Dolor! O Lachrimæ! ne quæso materna viscera rumpite! jam enim Vita Matris Morti similis, quando Vita in mortem recedit. Jam animam in corpore vix tenent angustiae, quando ultimos affectus cum amplexibus tenetur exprimere. Arrigite hîc benignam aurem Auditores Mæstissimi; & ultimum illud subaudite Complementum. Vale (inquit Filius) Dilecta Parens! jam tandem cruentam Satisfactionem & pænitentiam, pro mundi peccatis incipio. Jam brevî, illis quæ formasti membris, non erit species nequè decor: quod corpus infantilibûs obvolvebas fasciis, illud dissoluta ligabunt vincula, quæ labia Virgineo pavisti lacte, illa felle & acetô brevî potari videbis. Sitit meum sanguinem mundus in maligno positus, ut perennes extinguat ignes. Quærunt Viam Cæli cum facibus congregatæ turbæ, ut ad æternam Patriam redeant, unde hucusquè erant & errant Exules. Jam mihi referantur Carceres, ut à servitute Diaboli emancipati homines, in auream Filiorum Dei evadant libertatem. Spoliabor ad Columnam Vestibûs, ut vestem Innocentiæ quam amiserat, peccator recipiat. Spineâ Coronâ Rex Dolorum redimiar, ut Cælestis gloriæ Diadema, homo miser non amittat. In Golgothæo Monte Cruci affixus exaltabor  
ut



ut depressus ad ima tartari populus, usquē ad Montem Dei Sanctum eleuetur. Jam inquam pro mundi Salute mori restat, ut morte æterna pereuntes homines, Vitam æternam possideant. Hic ad excusandum Dolori Mariano jam verba deficiunt; plūs enim tacet quàm loquitur Magnus Dolor. Fletus tamen correspondens concinnant vale, nam & lachrimæ pondera vocis habent. Ergonè (gemitus interpretor) Infinita Sanctitas pro Peccatoribus pænas lues? Ergonè pro Homine Homo Deus, pro servo Dominus morieris? O Amor humani generis, quò meum Amorem stimulas! Utinam pro mundi Vita, Salus mea dilecte Fili ego moriar! Refugium Peccatorum nominor, utinam pro Adæ peccato pænitem! Verùm ut Voluntati Patris Filius & Mater obtemperet, dignum ac justum est. Grata esset Doloris Mariani absolutio, potior tamen pro toto mundo Satisfactio. Ergo quò trahunt amoris funiculi, quò ducent paratà vincula, jam perge Dilecte Fili! jam ego ab osculis & amplexibus te absolvo, quamvis meus DOLOR, SINE REMISSIONE maneat. Sic remissus à Matre Christi Dolor, profecit notabiliter, etenim usquē ad montem Oliveti. In Paradiso quippe primus Homo periit, sic perditum etiam in Horto Gethsemani Salvator quærit. In remedium inquam peccati venerat, inter flores & arbores quærebat antidotum. Eòsquē Rex tremendæ Majestatis iratus fuerat, æqualis Persona, quia similis Parti Filius, flexis tamen in Horto genibūs eundem deprecatur. Illud superbum cum Serpente Colloquium:

*eritis*



*eritis sicut Dii*, humili Oratione quia procidens in faciem excusat. Sed eheu! quàm gravis terræ iniquitas, quæ usquè ad terram Christum còégit cadere! Magnum debitum Reus contraxit Homo, sanguineas guttas tanquam gemmas, ad primam Passionis instantiam cogitur Redemptor exsolvere. Tamen ne post mali prohibiti esum, fame æternâ homo pereat, & tam amaræ Passionis calicem, pro Mundi Salute, de manu Angeli, á Patre acceptat Filius. Quid nunc in Horto Concluso agitur, quando talia fiunt in Horto Gethsemani cum Flore Nazaræno? Arescit præ angoribus Virga Jesse, quando & Arbor Vitæ flectitur. Quos non profert tribulationum fructus quasi Oliva Pullulans, quando Vitis in Oliveto sanguineas stillat guttas? Quibus non deprimitur oppressiõibûs Excelsa super sidera, quando & Altissimus in faciem procidit? Non inquam Marianus Dolor lucratur Indulgentiam, quamvis orat ad Patrem Filius. Inter istas in orando vigilas, dum alii Discipuli dormiunt, vigilat cum Judæis Judas Proditor. Quærit Thesaurum fur improbus; accendit faces, ut Lux Inaccessibis extingvatur; parat funes, ut Agnus sine macula perducatur in victimam. Imo: jam signô Pacis, scelestos in turba tumultus excitat: jam enim Libertas æterna comprehenditur, jam ligatur. Tamen & tu liber non evades, Christô comprehensô, nequam Discipule! hoc peccatum osculi, æternas pænas vendicat; quod dixisti Ave, in ultimum tibi cum mundo vertetur vale. Non diu accensæ lucebunt faces, brevì Infernales

E habebis



habebis ignes. Ex adductis funibus saltem unum serva, in quo Cælestis Thesauri Fur & Proditor suspendaris. Interea non unum Actum Doloris pro tam nefando scelere Maria elicuit: turba illa aggregavit mærores, funes addiderunt angustias. Tamen & ab his vinculis, Doloris Mariani suspensa Remissio. Augetur quippe Judæorum malitia, magis Deus in dies offenditur, hinc plùs semper dolet & Maria. En comprehensa Innocentia ad Judicium ducitur, Sanctitas accusatur, criminis arguitur, Judex futuri Sæculi tanquam Reus judicatur. Probant apud Annam veritatem datis colaphis falsi Testes, vestis alba apud Herodem candorem & Innocentiam indicat, Pilatus tamen Innocentem, post tot tyrannides, adhuc punit & flagellat. Jam ille qui vestit omnia, in oculis singulorum stat denudatus, ille Samson fortissimus, vinctas manus ad columnam porrigit; plagatur Infinita Sanctitas, fundit sanguinem, qui nihil dignum verecundiâ fecit; illud corpus integerrimum, jam virgis & loris scinditur, laceratur. Quid nunc videtur in Speculo Justitiæ, quando Deo Justissimo tanta fit injustitia? Nequit satis conqueri Patrona Mundi, quando juxta Decretum Pilati sic in Urbe Manifestatur noster apud Deum Advocatus. Jam illa Columna Ignis planè à lachrimis extingitur, cùm & Filius ad Columnam tam copiosum fundit Sanguinem. Verè rumpitur cor Maternum præ angustis, cùm alligata Christi Caro, catenis divellitur. Verùm & tam gravi Pænitiâ non sunt contenti Principes Sacerdotum; ut magis fructuosa



16  
fructuosa sit Passio, & spinas colligunt. Imò  
jam illum *Agnum, qui tollit peccata mundi*, inter vepres  
video: Caput humani generis jam fertò ex  
tribulis redimitum: jam Rex Judæorum in Co-  
rona Spinea adoratur. O Terra Benedicta!  
nonne hos sentis fentes, quos, Benedictus qui  
venit, ex terra maledicta colligit? Nunc verè  
Lilium inter Spinās te esse credo, quando &  
Flos Nazaræus in vepribus. Etiam inquam  
Hortus Conclusus illis sepitur spinis, quibus Cæ-  
lestis Hortensius, cujus *Pater Agricola*, redimitur.  
Tandem ultimam Satisfactionem à Signo Crucis  
Salvator incipit: Levis, licet gravissima, vide-  
batur hucusquè Judæis pro mundi peccato Pæ-  
nitentia, crucis pondere aggravatur. Imponi-  
tur humeris funesta Arbor, de arbore etenim  
omne malum cum malo, Primæ Parentis ma-  
nus traxerat. Qui ad currendam Viam Crucis  
à Summo Cælo exultavit ut Gigas, nunc tantò  
depressus pondere, vix in Golgothæum proce-  
dit montem. Quos hinc Casus & Defectus Ma-  
rianus numeravit Dolor! satiùs meditari quàm  
narrare. Ad istam tamen Crucem non datur  
Absolutio, imò hinc vel maximè Contritio Ma-  
riana intenditur, dum *attritus propter scelera nostra*,  
in Cruce jam extenditur. Nunc inter affixum  
patibulo chirographum, fertur & contra Do-  
lorem Marianum Suspensio, quando post tot  
Dolores, & Christus est supensus. Promittitur  
quidem Gratia: *Ecce Filius tuus*, tamen DOLOR  
SINE REMISSIONE relinquitur, ubi Summus Sacer-  
dos, dum cruentum Sacrificium *Consummatum est*,  
expiravit. Quò tandem à Crucis Tribunali  
appel-



appellabis Mariane Dolor! jam tantum nefas,  
totius mundi Oculus obscuratus despicit, quis  
quæso respectum habebit? Quondam Stellas  
in Capite, & Lunam sub pedibus Marianis, Jo-  
annes vidit, nunc Cynthia cum Sideribus splen-  
dorem denegant. Jam inquam Virgo Serenif-  
sima nubilosos vives dies, quando per Univer-  
sum Orbem sunt factæ tenebræ. En terra mo-  
vetur præ Doloribus, ergone Materna non mo-  
vebuntur viscera? Velum templi & petræ scin-  
duntur, nonne & Cor Marianum conteretur?  
Monumenta aperta sunt, nec pectus Virgineum  
sic obturatum, quin Doloribus pateat. Sur-  
gunt de Sepulchris post Mortem Vitæ redivi-  
væ Mortes, etiam pene emortua Mater, vivere  
& mori tenetur in angustiis. Verè DOLOR  
SINE REMISSIONE Dolor Marianus! nulla spes  
emendationis, nulla spes veniæ invenitur. Ego  
interim circa sepulturam Christi jam Requiem  
incipio: Jam inquam Propositionem meam  
an Propositum ultrà non elicio, postquàm  
DOLOREM SINE REMISSIONE sum confessus. Vos  
saltem Auditores Dignissimi, deficientem in Do-  
loribus Oratorem absolvite; utiquè pro pæ-  
nitentia Orationem absolvi; parcite, si in  
quo peccavi, quidquid hucusquè.

D I X I.









